



Estd. 1961

MIZO NATIONAL FRONT

MANIFESTO

**Aizawl Municipal Corporation
GENERAL ELECTION 2026**

**MIZO NATIONAL FRONT
AIZAWL MUNICIPAL CORPORATION
GENERAL ELECTION 2026**

MANIFESTO

Aizawl khawpui chuan kum 136 a lo tling ve ta a; Zofate Jerusalem a nih angin khawpui nuam, fai leh thianghlim, hmasawn leh zual ni tura theihtawpa ṭhaa enkawl hi MNF party chuan ṭul a tiin a ngai pawimawh hle a ni. MNF Sawrkar hmasain Aizawl tana hma a lo lak tawhna ṭhenkhatte chu he Manifesto tawp lam (Annexure-I & II) ah hian dah a ni.

AMC Election 2026-ah hian MNF Party-in Pathian leh mipuite zara sorkarna a siam chhunzawm leh a nih chuan Aizawl khawpui enkawl tura hmalak a tum dan pawimawh zualte chu henge hi a ni:

**A. AIZAWL HMASAWN LEH INRELBAWLNA ṬHA
(GOOD GOVERNANCE & DEVELOPMENT) SIAM**

1. **AMC Inrelbawlna (Administration):** AMC inrelbawlna ṭha zawk leh chak zawk siam tum a ni ang. Local Council leh Ward Committee-te mawhphurhna a lo mumal zawk theih nan ruahmanna siam a ni ang.
2. **Kut tling leh belhchian dawla hna thawh:** AMC hnuaia Development hnathawh reng reng kut tling leh mawi, belhchian dawl a nih zel theih nan hmalak chhunzawm a ni ang.
3. **AMC chak leh langtlanga hna thawh (transparent and efficient governance):** AMC sorkar chak zawk leh langtlang din chhunzawm tum a ni a, thawktu indaih loh vanga hna muang ṭhin tih ziaawm a nih theih nan thawktu lak belh tum a ni ang.

B. AIZAWL HIM ZAWK SIAM (SAFE AIZAWL)

1. **Aizawl khawpui chhunga chengte chhinchhiah:** AMC huam chhungah khualzin leh pem lut kan pun zel avangin mumal zawka inawpna kan neih theih nan Aizawl khawpuia cheng dik takte chhinchhiahna (*Population Registration*) uluk zawka kalpuiin - nau piang, mitthi leh pem lutte chhinchhiah a ni ang.
2. **AMC Licensing Regulation 2012 ennawn:** Kan ram leh hnam himna tur leh Mizo sumdawngte tana hamthatna turin *AMC Licensing Regulation* hi ennawn a ni ang.
3. **Luikawr tha zawk (Drainage System):** Aizawl khawpui veng hrang hrangte leimin leh lei tlahniam laka a him zawk nan tuihawk luankawr (*Drainage System/Link drain*) tha zawk leh a khuhna (drain cover) siam belh zel tum a ni.
4. **Veng hrang hranga CCTV tam zawk dah:** Aizawl khawpui a lo ralmuan leh zual a, rukru leh misual laka mipuite an him nan leh hnu chhui awlsam zawk nan Local Council area hrang hrangah CCTV tam thei ang dah belh zel a ni ang.

C. AIZAWL MAWI LEH NALH SIAM (BEAUTIFUL AIZAWL)

1. **Aizawl khawpui cheimawi (Aizawl Beautification):** Aizawl khawpui faina leh mawina (beautification) lam hawia hmalakna kal mek chhunzawm zel a ni ang a, Aizawl khawpui kawtchhuahah *Aizawl Gate* mawi taka siam a ni ang.
2. **Street Light tam zawk siam:** Aizawl khawpui a lo mawi leh nawm zawk nan *Solar Street light* tam zawk siam a ni ang.

D. AIZAWL FAI LEH HRISEL ZAWK SIAM (CLEAN AND HEALTHY AIZAWL)

1. **Bawlhhlawh paih leh sawngbawl:** Aizawl khawpui bawlhhlawh paih leh sawngbawl lamah ṭan lain bawlhhlawh tihral dan mumal leh ṭha zawka kalpui tum a ni ang. Aizawl khawpui veng ṭhenkhat lirthei luh theih lohnaah bawlhhlawh paih dan mumal zawk ruahman a ni ang.
2. **Aizawl khawpui 'Plastic Free City'** a puan tawh hi a hlawhtlin zel theih nan chak leh felfai zawka hmalak chhunzawm a ni ang.
3. **Solid Waste Management:** Bawlhhlawh (Solid Waste) paihna hmun siam belh tura hmalak a ni ang. Tin, bawlhhlawh ṭawih thei hmanga lei ṭha (bio-fertilizer) siam tura hmalak chhunzawm zel a ni ang.
4. **Ran vulh leh khuahkhirh chungchang:** Ran vulh leh ran khuahkhirh chungchangah Local Council-te be rawnin mipui zawh tawka hmalak chhunzawm zel a ni ang.
5. **Sa leh Thlai thianghlim zawk zawrh a nih theih nana hmalak:** Mipui kan lo hrisel zawk nan Aizawl khawpuiah sa leh thlai thianghlim chauh zawrh a nih theih nan hmalak zel a ni ang.
6. **Aizawl veng hrang hranga Bazar hmun tam zawk leh changtlung zawk siam:** Aizawl veng tin deuh thaw hian veng chhung Inrinni zing bazar kan nei tawh a. Hei hi veng mite eizawna leh inngahna pakhat a nih tawh avangin mipuiten awlsam zawka chawhmeh kan lei theih nan veng chhung Bazar tam zawk siam tum a ni ang.
7. **Septic Tank khat tawh tih fai leh ek paihna (Disposal of Waste/Septage):** Aizawl khawpuia Septic Tank khat tawh paih faina/ek paihna hmun siam belhin tuna kan neih mekte hi tihchangtlun a ni ang.

E. MIPUI VANTLANG KALNA KAWNG NUAM SIAM (ACCESSIBLE AND WALKABLE AIZAWL)

1. **Pedestrian Flyover leh Footpath tam zawk siam:** Aizawl khawpuiah mihring leh lirthei a pun zel avangin kan him zawk nan kea kalna (*footpath*) tam zawk leh *Steel Pedestrian Flyover* tam zawk siam a ni ang.
2. **Internal road siam belh:** Aizawl khawpui veng hrang hrangah internal road siam belh leh zauh tura hmalak chhonzawm a ni ang. Aizawl veng hrang hrang aṅanga Main road/Bypass road pawhna tur kawng siam tum a ni baw k ang.
3. **Vehicle Parking Two-wheeler/Taxi Parking Area** bakah mimal lirthei park-na tur '*Smart Car Parking*' tam zawk siam tura hmalak a ni ang. A ṅul dan azirin Vehicle parking kan hman/kalpui mek hi enawn a ni ang.
4. **Thlanmual inṅawm siam (Common Cemetery):** Aizawl khawpuia veng hrang hrangte tana *thlanmual inṅawm* buatsaih tum a ni ang. (*Hei hi AMC hmalakna kal mek a ni a, a hmun turte pawh zawn mek a ni*).
5. **Satellite City din tura hmalak:** Aizawl khawpui tawt lutuk tih ziaawm nan Aizawl By-pass Road laih mek denchhen hian Aizawl khawpui zauhna '*Satellite City*' din dan kawng zawn a ni ang.
6. **Vantlang hmuna Free Wifi ṅha zawk dah:** Vantlang hmun leh zirna in pawimawh zualah *Free Wifi* chak zawk 5G dah tum a ni ang a; chungte chu uluk zawka enkawl tum a ni ang.

F. MIPUI VANTLANG INTIHLIMNA/CHHUAH VAHNA HMUN SIAM (VIBRANT AIZAWL)

1. **Theatre/Auditorium changtlung siam:** Ṭhalai - Film leh Music Industry lama tui mite fuankhawmna tur e.g. *Movie Premier, Musical Concert, Album release* etc. na tur hmun ṭha zawk (Theatre/Auditorium)-te PPP mode (sorkar leh mimal thawkho)-a siam turin hmalak a ni ang.
2. **Youth Park/ Eco-Park siam:** Aizawl khawpui daifem leh hmun remchang laiah mipuite, a bikin ṭhalai leh naupangte tan chawlh hahtamna leh intihlimna hmun '*Youth Park/ Sport Arena/Eco-Park/ Green Park*' siam duhte hmalakpui tum a ni ang.
3. **Vantlang hmun/Park-a Open Gym Siam:** Aizawl khawpui chhung leh chhehvela hmun/park remchang laiah ṭhalaite tan insawizawina hmun '*Open Gym*' siam belh tum a ni ang.
4. **Senior Citizen-te tana ruahmanna:** Kum upa zawkte ngaih pawimawh an ni ang a, an hamṭhatna leh awlsamna tur ngaihtuah a ni ang.
5. **AMC Sport Complex, Bawngkawn tihchangtlun:** Bawngkawn Local Council leh AMC-te inṭawm Sport Complex tihchangtlun mek hi chhunzawm zel a ni ang a, Artificial Turf phah tura hmalak a ni ang.

G. MIPUITE ZANGKHAINA LEH AWLSAM ZAWKNA NGAIHTUAH (IMPROVEMENT OF PUBLIC AMENITIES)

1. **Property Tax ennawn:** AMC-a MNF a tlin leh chuan Property Tax khawwnna tur Survey neih thar leh a ni ang a, khai rual taka Tax hi khawn a ni ang a, chawi tur zat dik tak chawi tura hmalak a ni ang. State sorkar nen ñangkawpin Tax pek dan awlsam zawk (Apps/Application) siam tura hmalak a ni ang.
2. **Building Permission pek chungchang (System improvement for Building permission):** In sak phalna (Building permission) leh lei laih phalna mumal zawk leh rang zawka pek chhuah a nih theih nan hmalak a ni ang. Building Permission pek tawh, in sa zo mai thei lote'n awlsam zawka permission an renew theihna turin ruahmanna siam a ni ang.
3. **In sak phalna diltute'n pawisa tlem zawk an chawi dan tur ngaihtuah a ni ang.** Sum tlem zawk chawia '*Soil Test*' tih theihna turin hmalak a ni ang; tin, mipuite awlsam zawk nan AMC-ah *Soil Testing Laboratory* din tura hmalak a ni ang.
4. **In hlui ñhiah phalna:** In/building hlui ñhiah phalna rang zawka pek chhuah a nih theih nan ruahmanna siam a ni ang.
5. **Leivung paih chungchang:** Aizawl khawpuia chengte tan Leivung paihna hmun (dumping area) siam belh a ni ang a, leivung paih dan mumal zawk siam leh hman a ni ang. (*Hei hi AMC hmalakna kal mek a ni a, a hmun turte pawh zawn mek a ni*).
6. **Mi harsate tan leh vantlang hmunhmaa tui dahkhawlina siam:** Mi harsa zawkte tan tui dahkhawlina tur ngaihtuah sak an ni ang a, vantlang hmunhma remchangahte tui khawlina siam a ni ang.
7. **Mi harsa zawkte tana inhlawhna siam:** Aizawl khawpuia cheng mi rethei leh harsa zawkte tan inhlawhna tam zawk siam tum a ni ang.

ANNEXURE- I

AMC-A MNF SORKAR HNATHAWH LANGSAR ZUAL THENKHATTE

1. AMC Multi Complex, Tuikual South: Rs.1059.74 lakhs senna hi lirthei tam tak dah theihna, thlai thar zawrhna hmun, Shopping Mall leh Auditorium changtlung tak awmna a ni.
2. AMC Plaza, Bawngkawn: Rs.723.77 lakhs senna AMC Plaza hi mipuite tana țangkai tur thil chi hrang hrang, office pawimawh, lirthei dahna leh dawr țahnem tak awmna a ni.
3. AMC City Bus Terminal, Zemabawk: Rs.117.51 Lakhs senna, Bus 30 vel dah theihna, ACBOA Site Office, Waiting Shed leh vangtlang rem-chang thil pawimawh dangte awmna a ni.
4. AMC Sports Complex, Bawngkawn Brigate: Rs. 439.56 lakhs senna, khelmual, pavilion, changing room, meeting room, toilet leh infiam-mite tana țul dangte awmna a ni.
5. Khawpui thianghlimna kawngah nasa taka hmalak a ni a. AMC area hmun hrang hrangah Garbage fencing siam a ni.
6. AMC Eco Park, Zonuam: Ram 133.78 acres-a zauah Park nuam tak siam a ni a, Cottages, Swimming Pool/changing room/washroom, Parking area, Children Play Area, Waiting Shed etc. siam a ni.
7. AMC Eco Park (Ailawng): Dil leh camping site 6 awmna, Park nuam leh changtlung tak siam a ni.
8. Tuikual South leh Venghluik inkarah 'Public Step' changkang leh khawpui cheimawitu tur, khawvel changkanna milin siam țan mek a ni.
9. AMC hmasa ber ațangin MNF-in dinhmun pawimawh a la chang chozel a, hmarchhak biala Municipality ho-ah a tițha ber pawlah AMC hi a awm mek. Property Tax, Building Regulation, Waste Management, Parking, Traffic etc-ahte a tițha hle.
10. AMC-a MNF sorkar ding laiin kum 5 term chhungin Finance Commission sum ruahman chu kum 3 chauh a dawng hman a, heti chung hian hmasawna ruhrel pawimawh tam tak a din.

ANNEXURE - II

MNF (STATE SORKAR CHHUNGA) HNATHAWH LANGSAR ZUALTE

- 1) Aizawl khawpui chhung kawngpui Bawngkawn - Ramhlun - Chanmari laih zauh a ni.
- 2) AR Hqrs. Zokhawsanga an insawn chhuahna tur hmunhma a buatsaih.
- 3) Treasury Square aṅanga PUC thleng kawngpui zauh a ni.
- 4) Aizawl khawpui tawt lutuk tihziaawmna atana AR-in Khatla-a ram zau tak an luah ṅhinna hmunah New Capital Complex din a ni.
- 5) Bawngkawn-Durtlang kawngpui ṅha tak leh zau taka a siam a ni.
- 6) Aijal Club/Aizawl City Centre Building ropui tak sak a ni.
- 7) Aizawl Bazarpu (New Market) leh Aizawl veng hrang hrang Bazar ṅha tak tak sak a ni.
- 8) Mizorama market/mall lian leh changkang ber - Millenium Centre sak a ni.
- 9) Rangvamual-a 'Ch. Saprawnga Truck Terminal' leh ṅhuampui venga 'Ch. Chhunga Bus Terminal' bakah Chaltlang-a 'Lalsawia Bus Terminal' te siam a ni.
- 10) Aizawl By Pass Road, Falkland to Melthum siam a ni.
- 11) Rajiv Gandhi Sport Stadium, Mualpui sakna sum hi MNF sorkar laia ruahman fel a ni a. Durtlang, Zemabawk leh Chite Sports Complex ropui tak sak zawh a ni a. Mizo High School field leh Edenthar field siam hna thawh mek a ni bawk.
- 12) Mizoram University, Selesih-a Vety College leh ICFAI University hi MNF sorkar laia din a ni.
- 13) Assam Rifles luah ram la hekin Dak Inpui aṅanga Aizawl chhuah lamah kalkawng siam a ni.
- 14) Greater Aizawl Water Supply Scheme Phase-II hlawhtling taka kalpui a ni.
- 15) ṅhalaite tan infiamna hmunhma changtlung tam tak siam a ni.
- 16) Mizoram University leh ICFAI University din a ni.
- 17) Aizawl Western & Eastern By-pass road siam hnathawh mek a ni a. Lei verh hna thawh tura ruahman a ni bawk.

VOTE

MNF CANDIDATES

Pathian leh kan ram tan



Published by MNF AMC Election 2026 Campaign Directorate

Printed at Daifim Press, Aizawl, Mizoram | C-15000